

**Speech of Honourable Deepak Balgobin,
Minister of Information Technology,
Communication and Innovation**

**Opening Ceremony
Les Assises de la Recherche et de l'Innovation-
RodInov 2022**

**Mauritius Research and Innovation Council
Cotton Bay Hotel, Rodrigues**

Wednesday, 27th July 2022 at 11am

- **Jean Alain Wong So, Commissaire Tourisme, l'Emploi, Travail ek Relation Industriel, Technologie Informatique et Telecommunication,**
- **Justar Tolbize, Vice-Président de l'Assemblée Regional de Rodrigues,**
- **Bane Commissaires de l'Assemblée Regional de Rodrigues,**
- **Jean-Claude Pierre Louis, Island Chief Executive,**
- **Sandrine Valere, Secetaire Permanent de mo ministere,**
- **Dr Kaviraj Sukon, Chairman MRIC,**
- **Professeur Bahorun, Directeur Executif, MRIC**
- **Bann Chefs Institutions et bane different department ki present,**
- **Tout bane representant MRIC,**
- **Chers invites,**
- **Tout protocol observe,**

Bonjour zot tout.

C'est ene gran privilège pou moi, ki mo ar zot azordi dans Rodrigues pou lance deuxieme phase Assises de la Recherche et de L'Innovation 2022.

Tout d'abord, mo tenir à dire enn grand merci à zot tout ki finn contribuer pou faire sa 2 zours conference la:

1. L'Assemblée Regionale Rodrigues ek en particulier le Chef Commissaire, Johnson Roussety ek tout so lequipe.
2. Sans zot l'aide, sa l'evenement la, ki bien important pou lavenir nou Repiblik, pa ti pou vine enn realité.

3. Mo tenir a remercier aussi bane leaders l'industrie, bann innovateur ek bann entrepreneur, la société civil et nou ban academiciens pou zot presence ici zordi.
4. Ek aussi bann seki p suive nou ek participer online.
5. Mo ti a contan remercier lekip organisation MRIC, ek biro MRIC Rodrigues. Zot in fer ene bon travail pu organize sa l'événement la.

Mesdames et Messieurs,

Dépi 2 ans, le monde fin blocker dan so croissance economic aköz pandemi Covid-19. Pa fini, aster laguerre dans Ukraine fin débalance boucou kitsoz incluant bane produits alimentaires ek bane commodités ki nou importé.

Et kouma le monde entier, nou pé bizin adapter.

Boucou pays p rentre dan recession, ek zot croissance economic pa pé kapav grandi. Prix ban l'article au nivo mondial p ress augmenter.

Fond Monétaire International p meme bisin revoir so bane chiffre pou croissance economic mondial, ek p prédire enn baisse de 3.6% sa lannée la ek pou 2023. Zis ban pays ki réssi reagir stra-té-gique-ment et rapidement ki pu pliss kapave faire face a la situation.

Akoz samem Maurice ek Rodrigues, bizin trouve ban solution efficace bien vite.

Mesdames et Messieurs,

D'après discours budget 2022-2023, situation global et so banne impact pé demande a un ré-organisation de banne décision socio-economic Rodrigues pou ameliore banne condition la vie bann Rodriguais.

Dans sa perspective la, enn parmi bann mesures ki fine proposé pou booster climat business ek promouvoir l'entreprenariat, c'est renforce collaboration entre RRA ek MRIC pou recherche et innovation.

Albert Einstein ti dire, *"In the middle of every difficulty lies opportunity"*.

Ki vé dire : *« Kot ena difficultés, si ou roder, ou pu trouve bann opportunité. »*

Dans budget 2022/2023 RRA, finn met boucou l'emphase lor innovation entrepreneurial, c'est a dire, bann innovation ki pu vinn depi secteur privé aussi li extra important pou nou avancé pli divant.

"Les Assises de la Recherche et de l'Innovation - Rodrigues 2022 – RodInov", c'est enn platform ki pou lance enn dialogue national lor development ek implementation ban type innovation ki telment nouveau, nou apel zot Emerging and Frontier Innovations.

Et sa evenement la pou permet nou identifié ek develop enn fondation solide ki nou kapav servi pou crée enn plan au nivo national pou la recherche ek l'innovation dan Rodrigues.

Ena bann zafer bien specific ki bizin met en place dan Rodrigues pou ki kapav éna progres, ek sa bann specifiter la finn mentioner dan Programme Gouvernement ki RRA ine présenté en mars dernier.

Ladan ena:

1. Bane SSDG Goals des Nations Unies
2. L'importance consolide la pêche ek agriculture.
3. L'importance modernisation le port ek so banne activités.
4. Priorité pou Rodrigues pou trouve banne solution à problemes délo
5. Acces a l'éducation
6. L'énergie renouvelable ek so potentiel pou Rodrigues
7. L'impact pandémie lor Rodrigues et potentiel eco-tourisme et agro-tourism.
8. Pou mentionne zis sa.

Avec sa vision la, li pou aussi fer Rodrigues vinn ene l'île écologique.

La Recherche ek l'Innovation ena enn grand role lor l'avenir ene pays. avec sa l'objectif la, MRIC p continuer collaborer ar plusieurs bann institutions important dan Maurice ek Rodrigues dans plusieurs secteurs. Dans premier assises ki finn faire dans Maurice sa l'année la, nous finn discute lor :

1. Blue Innovation
2. Green Innovation
3. Health, wellness and tourism;
4. Social and Grassroots Innovation

Li important nou koner ki dans sak groupe, bane dimoune concernés finn déjà fini zwen dan plusieurs reunions, ek travail lor enn rapport. Sa meme ki base ki pou servi pou ki, avec laide enn pli grand l'audience, nou kapav gagne bann discussion bien pliss aprofondi pendant les Assises ki pou ena azordi ek demain.

Mo p atan avec bokou impatience panel ki pou ena demain kot pu ena discussions ek banes recommandations lor recherche ek innovation dan Rodrigues.

Mesdames et Messieurs

Kapave zot p demander, bé ki nou pou faire apres ki nou gagne nou raport lor Assises Rodrigues ek integrer li dan nou National Road Map !

Biensur, nou pou intégrer li dans nou National Road Map lor la Recherche ek l'Innovation, ek aussi MRIC ek RRA pé deja travail ensam lor plusieurs projets innovatif finn financer par MRIC.

Par exemple ena:

1. Creation MRIC Branche Rodrigues ki diriger par 4 chercheurs Rodriguais.
2. Ena enn MoU entre MRIC ek RRA concernant ban nouvo role MRIC.
3. Mo finn met enn budget 5 million roupies pou enn Scheme zis pou Rodrigues. Zamé finn allouer enn budget sous MRIC zis pou Rodrigues avant. Sa scheme la appel Rodrigues Research and Innovation Scheme (RRIGS).

Mo ena le plaisir annonce zot zordi ki 6 projets finn beneficier de sa scheme la. Bane projets la ti dan differents domaine, par exemple :

Dans secteur l'océan ek l'environnement noue na deux projets.

Le premier c'est Shoal Rodrigues ki p faire enn travail formidable dans la biodiversité marine pou protéz nou l'océan et represente enn facteur important dans l'économie bleu.

Deuxième c'est en coopérative ki appel Sea Pearl of Rodrigues ki p faire élevage ek exploitation huitres pou faire perle, mais par la suite zot finn gagne l'idée pou aussi faire bane cosmétique ek bane rejet de huitres la (appel sa poudre de nacre / la poudre).

Dans secteur l'éducation, bane zenfants ki ena enn handicapé et ki bisin enn l'éducation spécialisé, ena le Roman Catholic Education Authority de Rodrigues ki p travail ek bane professionnel étranger pou justement développe enn l'approche pou permet sa bane zenfant la gagne enn l'éducation normal.

Dans secteur ICT, l'entreprise Ceamine pé développe enn application ki pou permet répertorié tout bane services, ONGs, bane business, et met sa dans annuaire électroniques. Et sa pou aide bane dimoune trouve facilement bane service ki zot p roder. Et sa pas ti ena zamais avant.

Mo ena aussi plaisir annonce zot ki :

1. Branche Rodrigues MRIC in fini lance bann procédure pou recrute énn 5eme Research Assistant. Nou remercier RRA pou so financement ki p permet nou fer sa recruitment. MRIC pou gere sa fond la, ek pu ena interview pou sa position la bientôt.
2. Mo p aussi met enn lot budget 5 million roupies a la disposition MRIC Rodrigues pou ki :
 - a. Kapav fer enn 2eme appel a project
 - b. Mais aussi nou p essaye get enn ensam kouma pou travail ek RRA pou crée enn pole innovation dan filliere "Marine and Coastal resources" ek ICT.

- c. Finn aussi ena plusieurs discussions entre MRIC ek lezot ban partenaires important dans Rodrigues. Sa pou aide nous durant Les Assises dans Rodrigues, kot nou pou gagne ban recommandations pratiques ek enn plan lor kouma pu kapav implement zot.

Mesdames et Messieurs / Chef Commissaire,

Collaboration entre MRIC ek RRA finn tout les temps solide et nou p continuer consolide li a travers bane projects et bane initiatives ki nou p met en place pou encouraz l'innovation pou development Rodrigues.

Avec sa conference deux zours, li pou aide nous comprend encor pli bien kuma nous kpav vine ensam ek met nous l'idee ensam pou ki vinn de l'avant avec en strategie bien etabli et clair pou kpav faire Rodrigues continuer prosperer.

Et c'est avec enn grand plaisir ki mo p lance les assises de la Recherche et de L'Innovation dans Rodrigues.

Mo sir ki sa grand travaille la pou porte so fruit.

Mo remercier zot pou zot l'attention.